

## **MATRIKULARAKO BEKAK UPV/EHUko "IKASKETA FEMINISTAK ETA GENEROKOAK" DOKTOREGO PROGRAMARAKO, 2024/2025 IKASTURTEA**

(Dirulaguntza publikoak dira, feminismo eta genero ikasketei buruzko graduondokoak eta berdintasunarekin zerikusia duten unibertsitate jarduerak egiteko 2024an. Deialdia 2024ko maiatzaren 7ko Erabakiaren bidez egin zen, babes hartuta otsailaren 23ko TAS/535/2007 Agindua, Emakumeen Institutuaren dirulaguntza, laguntza eta beken oinarriak onartzekoa, martxoaren 10eko BOEn argitaratua).

### **1. oinarria.- Deialdiaren helburua.**

Deialdi honen helburua da matrikularako dirulaguntzak ematea UPV/EHUko "Ikasketa Feministak eta Generokoak" doktorego programan 2024/2025 ikasturtean matrikulatutako ikasleei.

### **2. oinarria.- Aurrekontua.**

Laguntza hauek emateko Emakumeen Institutuak emandako 7.829,38 €-ko dirulaguntza publiko bat dago, "Ikasketa Feministak eta Generokoak" doktoregoa egiteko eta berdintasunarekin zerikusia duten unibertsitate jarduerak burutzeko.

### **3. oinarria.- Eskatzaileek bete beharreko baldintzak.**

Laguntza eskuratzeko, honako baldintza hauek (guztiak) bete behar dira eskariak aurkezteko epea amaitu baino lehen:

- a) 2024/2025 ikasturtean matrikulatuta egotea "Ikasketa Feministak eta Generokoak" doktorego programan. Matrikularen zenbatekoak ordainduta egon behar du eskabidea aurkezteko epea amaitzen denerako.
- b) Eskaria aurkeztea, dagokion dokumentazioarekin batera
- c) Ez edukitzea beste beka edo laguntzarik, erakunde publiko edo pribatuenik, doktoregoa egiteko edo doktoregoari lotutako gastuak ordaintzeko.

#### **4. oinarria.- Laguntzaren zenbatekoa.**

Deialdi osorako dagoen zenbatekoa (7.829,38 €) banatuko da deialdiko baldintzak betetzen dituzten eskari guztien artean, eta onuradun bakoitzak horren arabera dagokiona jasoko du.

Ikasle bakoitzak laguntza bat baino ezin izango du jaso, eta zenbatekoa, gehienez, doktorego programan ordaindutako matrikularena izango da.

#### **5. oinarria.-Eskariak aurkezteko xehetasunak.**

##### **5.1.- Epea.**

Eskariak aurkezteko epea hamar egun baliodunekoa izango da, deialdi hau web orri horretan argitaratzen denetik hasita:

<https://www.ehu.eus/eu/web/masterrak-eta-graduondokoak/unibertsitate-masterrak/aurretiko-izen-ematea-eta-matrikula/bekak-eta-laguntzak>

##### **5.2.- Eskariak aurkezteko lekua.**

Eskariak I. eranskineko eredia erabiliz aurkeztu beharko dira, behar bezala beteta eta eskatutako dokumentazioarekin. Posta elektronikoz bidali beharko da Deialdi eta Laguntzen Atalera: [convocatoriasyayudas@ehu.eus](mailto:convocatoriasyayudas@ehu.eus)

##### **5.3.- Aurkeztu beharreko dokumentazioa:**

1. Eskaria (I. eranskina).
2. Eskatzailearen NANaren, AIZren edo pasaportearen zenbakia.

#### **6.- Bekak emateko irizpideak**

- a) Ez izatea doktorego tesia egiteko finantziazorik.
- b) Lehentasuna ematea doktoregoa arduraldi osoan egiten ari direnei.
- c) Lehentasuna ematea ikasle berriei.
- d) Lehentasuna ematea bigarren urteko ikasleei, doktorego programan eta doktorego tesiak eskolako doktorego ikastaroetan eginiko jarraipen mintegietara parte hartzea kontuan hartuta.
- e) Bigarren urteko ikasleen matrikulak bete ondoren, bigarren mailako hurrengo ikasturteetako ikasleen matrikulak beteko lirateke.

#### **7.- Epaimahaia.**

Epaimahaiak osakide hauek izango ditu:

-Graduondoko eta Etengabeko Ikaskuntzako errektoreordea edo hark bere ordezkari izendatzen duena.

-Doktorego programaren arduraduna.

-Master eta Doktorego Atalaren arduraduna.

## **8. oinarria.- Erabakia.**

### **8.1. Behin-behineko erabakia.**

Eskariak aurkezteko epea amaitu ondoren, Graduondoko eta Etengabeko Ikaskuntzako Errektoreordetzan aztertuko dira. Horren ostean, onartutako eta baztertutako eskarien behin-behineko zerrenda argitaratuko da 5.1 puntuari aipatutako web orrian.

Interesdunek erreklamazioa aurkeztu ahal izango dute hamar egun balioduneko epean, behin-behineko erabakia argitaratu eta biharamunetik hasita.

### **8.2. Behin betiko erabakia.**

Epe hori igarota, eta alegazioak behin aztertuta, halakorik balego, esleitutako laguntzen behin betiko erabakia argitaratuko da lehen aipatutako web orrian.

Laguntza esleitu zaien pertsonen baldintzen onarpena sinatu behako dute (II. eranskina) hamar egun balioduneko epean, behin betiko erabakia argitaratzen denetik hasita, eta Deialdi eta Laguntzen Atalera bidali beharko dute posta elektronikoz: [convocatoriasayudas@ehu.eus](mailto:convocatoriasayudas@ehu.eus).

Tramite hori egiten ez badute, unibertsitateak ulertuko du laguntzari uko egin diotela.

### **8.3.- Behin betiko erabakiaren aurkako errekursoak.**

Behin betiko erabakiak amaiera emango dio administrazio bideari, eta haren kontra honako errekurso hauek jarri ahal izango dira, baina inola ere ez aldi berean:

1.- Aukerako berraztertze errekursoa jarri ahal izango zaio erabakia eman duen organoari, hilabeteko epean, erabakia deialdiko web orrian argitaratu eta biharamunetik hasita, urriaren 1eko 39/2015 Legeko 123. artikuluari jarraituz.

Errekurso hori jarritz gero, hilabeteko epean hari buruzko erabaki adierazirik ez badago, isiltasun negatiboaz ezetsi dela ulertu beharko da. Hori gertatuz gero, auzibidera jotzeko aukera zabalduko da, hurrengo puntuari aipatzen dena.

2.- Zuzenean, administrazioarekiko auzi errekursoa jarri ahal izango da administrazio auzietako Bilboko epaitegietan. Horretarako, bi hilabeteko epea egongo da, erabakia argitaratu eta biharamunetik hasita (29/1998 Legea, uztailaren 13koa, Administrazioarekiko Auzien Jurisdikzioa Arautzen duena, 8.3 eta 46. artikulua).

## **9.- Jakinarazpenak egiteko eta informazioa argitaratzeko bideak.**

Deialdiaren gaineko dokumentazio eta informazio guztia web orri honetan argitaratuko da:

<https://www.ehu.eus/eu/web/masterrak-eta-graduondokoak/unibertsitate-masterrak/aurretiko-izen-ematea-eta-matrikula/bekak-eta-laguntzak>

Horko argitalpenak interesdunentzako jakinarazpenak izango dira.

Eskatzaileek helbide elektroniko bat jarri beharko dute eskari orrian, eta jakinarazpen indibidualik egin behar bada, horra idatziko zaie.

#### **10.- Laguntza ezeztatzea.**

Beherago zerrendatzen diren kasuetakoren bat gertatzen bada, baliteke unibertsitateak laguntza esleitzeko erabakia berraztertzea aurkakotasuneko espediente baten bidez, eta, horren ondorioz, esleipena ezeztatzea, eta onuradunak itzuli behar izatea bidegabeki jasotako dirua, legeak horretarako ezarritako epean. Honako hauek izan daitezke onuradunari dirulaguntza kentzeko arrazoi:

- a) Eskaria egitean datuak edo dokumentuak faltsutu edo ezkutatu izana.
- b) Dirulaguntza honekin bateraezina den beste dirulaguntzaren bat jasotzea, 3. oinarriaren arabera.
- c) Dirulaguntza jaso ondoren, onuradunak matrikula osoa edo parte bat baliogabetzea 2024/2025 ikasturtean.

#### **11. artikulua.- Araubide juridikoa.**

Deialdi honetan aurreikusita ez dagoen guztirako honako hauek aplikatuko dira: Dirulaguntzen Lege Orokorra (38/2013 Legea, azaroaren 17koa) eta haren erregelamendua onartzen duen errege dekretua (887/2006 Errege Dekretua, uztailaren 21koa); azaroaren 11ko 1/1997 Legegintza Dekretuko VI. idazpurua, dirulaguntzei buruzkoa; eta Administrazio Publikoen Administrazio Prozedura Erkidearen Legea (39/2015 Legea, urriaren 1koa).

Ainhoa Berasaluze Correa  
Graduondoko eta Etengabeko Ikaskuntzako errektoreordea